

CBETA電子佛典集成

CBETA Chinese Electronic Tripitaka Collection
eBook

T21n1245

佛說毘沙門天王經

宋 法天譯

目次

- [編輯說明](#)
- [章節目次](#)
- [卷目次](#)
 - 001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 1245

佛說毘沙門天王經

西天譯經三藏朝散大夫試鴻臚卿傳教大師臣法天奉 詔譯

如是我聞：

一時佛在舍衛國祇樹給孤獨園。爾時毘沙門天王與百千無數藥叉眷屬，於初夜分俱來佛所，放大光明照祇陀園一切境界，五體投地禮世尊足，住立一面，合掌向佛，以偈讚曰：

「歸命大無畏， 正覺二足尊！
諸天以天眼， 觀我無所見，
過現未來佛， 三世慈悲主，
一一正遍知， 我今歸命禮。」

爾時毘沙門天王說此偈已，白佛言：「世尊！有諸聲聞苾芻、苾芻尼、優婆塞、優婆夷，或於曠野林間樹下經行坐臥，我此藥叉非人之類，有信佛言者、有少信之者，復有無數諸惡藥叉不信佛言，惱亂有情令不安隱。善哉世尊！所有阿吒曩胝經能為明護。若有苾芻、苾芻尼、優婆塞、優婆夷及諸天人，受持讀誦禮敬供養廣為人說，皆能衛護為作吉祥。」爾時會中有諸正信藥叉之眾，合掌白言：「唯願天王說此經典，我等樂聞。」時毘沙門天王默然受請，即向佛前頭面禮足，承佛威神告藥叉言：「今此經典若有所得宣布流通，能除眾生一切煩惱。是故我今歸依頂禮。」

「東方世界有乾闥婆主名曰持國，具大威德身放光明，譬如日出普照世間，統領眷屬乾闥婆眾恭敬圍繞，歌舞作唱而受快樂。有九十一子同名帝釋，有大勢力勇猛暴惡，見佛世尊歸依頂禮尊重恭敬。觀此非人而能禮敬。彼持國天王守護東方，如佛行行如是護世，是故我今稽首歸命正遍知明行足無上寂靜。」

「南方世界有鳩槃荼主名尾嚕茶迦，具大威德身有光明如日照世，亦如大海深廣無邊，彼諸凡夫不可測度，統領眷屬鳩槃荼眾恭敬圍繞，歌舞作唱而受快樂。有九十一子同名帝釋，有大勢力勇猛暴惡，見佛世尊歸依頂禮尊重恭敬。觀此非人而能禮敬。彼鳩槃荼主守護南方，如佛行行如是護世，是故我今稽首歸命正遍知明行足無上寂靜。」

「西方世界有大龍主名尾嚕博叉，有大威德光明遠照，統領眷屬諸大龍眾恭敬圍繞，歌舞作唱而受快樂。有九十一子同名帝釋，有大勢力勇猛暴惡，見佛世尊歸命頂禮尊重恭敬。觀此非人而能禮敬。」

彼大龍主守護西方，如佛行行如是護世，是故我今稽首歸命正遍知明行足無上寂靜。

「北方世界有藥叉名俱吠囉，有大威德身光熾盛如火焰，統領眷屬藥叉之眾恭敬圍繞，歌舞作唱而受快樂。有九十一子同名帝釋，有大勢力勇猛暴惡，見佛世尊歸依頂禮尊重恭敬。觀此非人而能禮敬。彼藥叉主守護北方，如佛行行如是護世，是故我今稽首歸命正遍知明行足無上寂靜。

「復次北方世界，人壽千歲命不中天，地無耕種人不執作，飲食自然色香具足，資益諸根身體光潤。處處皆有花果樹木流泉池沼，隨意遊戲如受天樂。如是東方持國、南方尾嚕茶迦、西方尾嚕博叉、北方俱吠囉，各以威德護四大洲。

「復次乾闥婆主，有藥叉女眾，有乘象者、有乘馬者、有乘駝者、有乘水牛者、有乘羊者、有乘蛇者、有乘飛禽者、有乘童男者、有乘童女者，以象前引，於虛空中密詣諸方，種種變化隨意自在，亦能守護，人不可見。若諸藥叉形容醜惡種種差異，亦如飛禽往虛空中，自在遊行亦密護人。其名曰阿吒曩吒、俱曩吒、波里俱娑曩吒、曩拏曩拏、布里迦等，及藥叉女眾，皆住北方阿拏迦嚩帝大城。又此大城有一宮殿，於其四邊有九十九池，水甚深廣名曰地池，泉源通流亦能降雨。復有多種花果樹木，所謂供俱婆、迦俱囉、囉迦麼花等，果味甘美眾所愛樂。頻伽、孔雀、種種諸鳥常出妙音。彼有天子名曰勇猛，并諸眷屬，亦住是宮守護國界。」時毘沙門天王承佛慈力，次第宣說真言曰：

「怛爾也(二合)他(引)伊梨彌梨伊隸緊吒母隸呬隸緊致母隸賀那彌護努里努(二合)彌矯里巘馱(引)里虞努呬爾烏枳護枳娑嚩(二合引)賀(引)」

爾時毘沙門天王說真言已，白佛言：「世尊！復有諸大乾闥婆眾，與我而為兄弟，其名曰欲麼、覩樂麼、覩歌麼、多麼羅麼、覩麼度麼、多花醉、恒醉、吉祥醉、財醉、難禰迦、青蓮華、白蓮華、月半尼羅、俱枳羅、成凍、母嚕、五髻、妙色、金麼拏、尾輪俱蜜里(二合)、賀娑波(二合)帝、王野嚩帝、惹誡覩誡帝。如是等乾闥婆眾，迷惑惱亂一切眾生，若有惱亂有情而不捨離者，聞此真言頭破作七分。如阿梨樹枝。真言曰：

「怛爾也(二合)他(引)供覩梨供覩羅嚩呬娑那(引)曼底計娑那伴尼底計底瑟吒(二合)努瑟吒(二合)滿度細娑嚩(二合引)賀(引)」

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼乾闥婆及父母兄弟男女眷屬等皆不能為害，常來親近侍奉衛護。若有惱害者即失威力，不得乾闥婆三昧，頭破作七分如阿梨樹枝，亦不得往阿拏迦嚩帝大城中住。

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼閉舍左及父母兄弟男女眷屬等皆不能為害，常來親近侍奉衛護。若有惱害者即失威力，不得閉舍左三昧，頭破作七分如阿梨樹枝，亦不得往阿拏迦嚩帝大城中住。真言曰：

「怛爾也(二合)他(引)護彌(引)護彌(引)護彌羅(引)嚩帝曳(引)娑嚩(二合引)賀(引)」

「世尊復有鳩盤拏眾，其名曰：難多、烏波難多、訖里(二合)計輸麼賀波囉輸(二合)、摩斛那囉捺舍賀娑覩(二合)部彌左嚕末麼、訖里(二合)瑟拏(二合)路呬多、阿婆囉嚩囉拏尾麼路禰里伽(二合)囉拏誡里惹曩、惹致路捺舍難尼阿里祖(二合)諾迦麼迦麼迦嚩羅嚩拏、訖里(二合)野虞般多怛囉野(二合)劍末羅跋捺里(二合)迦、薩里嚩(二合)嚩誡唧怛囉(二合)芻等，如是鳩盤拏眾，迷惑惱亂一切有情。若有惱亂者，聞此真言，頭破作七分如阿梨樹枝。真言曰：

「怛爾也(二合)他(引)悉里尾悉里尾悉里訖里(二合)瑟拏(二合)蹉誡隸迦囉尼卑孕(二合)誡隸娑嚩(二合引)賀(引)」

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼鳩盤拏眾及父母兄弟男女眷屬等皆不能為害，常來親近侍奉衛護。若有惱害者即失威力，不能鳩盤拏三昧，頭破作七分如阿梨樹枝，亦不得往阿拏迦嚩帝大城中住。

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼必隸多及彼父母兄弟男女眷屬等皆不能為害，常來親近侍奉供養。若有惱害者即失威力，不得必隸多三昧，頭破作七分如阿梨樹枝，亦不得往阿拏迦嚩帝大城中住。真言曰：

「怛爾也(二合)他(引)喻彌喻彌隸喻彌羅嚩帝曳娑嚩(二合引)賀(引)」

「世尊！我今復說諸大龍眾，其名曰：難努波難努難禰嚩嚩穌計里跋捺囉(二合)、惹敢(二合)迦卑孕(二合)誡路那地迦囉拏印捺囉(二合)嚩護莎悉帝(二合)、迦阿輸俱彌多輸迦尾鉢囉(二合)目訖覩惹焰鉢帝必里(二合)免多羅唧怛囉(二合)、多羅必里(二合)免[牟*含]唧怛囉(二合)、鉢囉(二合)賀嚩[口*爾]麼賀頗尼所(二合)惹喻底囉穌麼賀、訖里瑟拏部惹敢(二合)誡麼阿惹播羅怛乞叉(二合)嚩摩、訖里(二合)瑟拏(二合)舍野摩秣俱(二合)乃至世間行者。如是龍等惱亂有情，聞此真言，頭破作七分如阿梨樹枝。真言曰：

「怛爾也(二合)他(引)唧隸尾唧隸唧隸尾唧隸虞里嚩馱里摩鄧霓贊拏(引)隸娑嚩(二合引)賀(引)」

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼諸龍眾及彼父母兄弟男女眷屬等皆

不能為害，常來親近侍奉衛護。若有惱害者即失威力，不得龍中三昧，頭破作七分如阿梨樹枝，亦不得往阿拏迦嚩帝大城中住。

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼羯吒布怛曩及彼父母兄弟男女眷屬等皆不能為害，常來親近侍奉供養。若有惱害者即失威力，不得羯吒布怛曩三昧，頭破作七分如阿梨樹枝，亦不能往阿拏迦嚩帝大城中住。真言曰：

「怛爾也(二合)他(引)阿閉嚩賀爾(引)嚩帝曳(引)娑嚩(二合引)賀(引)」

「世尊我今說彼藥叉大將，其名曰：印捺囉(二合)穌謨嚩嚩拏鉢囉(二合)惹鉢帝婆羅捺嚩惹、伊舍曩、室左(二合)難曩、迦麼、室里瑟姪、俱爾建跢、爾軍吒、摩尼里摩尼里摩尼左囉、鉢囉(二合)拏那、烏波半左迦、娑多儼里、呬麼嚩多布囉拏佉禰囉俱尾吒虞波羅野叉、阿吒嚩俱曩囉囉祖[口*爾]、那里沙婆啣怛囉(二合)細曩、嚩馱里舞(二合)、禰里伽(二合)舍訖帝(二合)摩多隸、半左羅嚩拏穌摩曩禰里伽(二合)野叉，并諸眷屬帝里(二合)頗隸，左帝里(二合)建吒等，乃至世間行者俱是眷屬。若惱亂有情而不捨離者，聞此真言，頭破作七分如阿梨樹枝。真言曰：

「怛爾也(二合)他(引)呬隸彌隸呬彌隸吉里帝(二合引)母隸呬隸吉里帝(二合)母隸唵凍彌(引)凍彌(引)烏凍麼烏凍彌(引)烏企彌企虞(引)努(引)呬(引)部凌(二合)誡里乙里(二合)史散多爾娑嚩(二合引)賀(引)」

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼諸藥叉及彼父母兄弟男女眷屬等皆不能為害，若有惱亂者即失威力，不能得藥叉三昧，頭破作七分如阿梨樹枝，亦不能往阿拏迦嚩帝大城中住。

「世尊！若有聲聞苾芻、苾芻尼、優婆塞、優婆夷，於此經中受持讀誦、禮敬供養、廣為人說，彼諸羅刹及彼父母兄弟男女眷屬等皆不能為害，常來親近侍奉供養。若有惱亂者即失威力，不能得羅刹三昧，頭破作七分如阿梨樹枝，亦不能往阿拏迦嚩帝大城中住。真言曰：

「怛爾也(二合)他呬隸呬隸護嚩護嚩喻彌喻彌羅嚩帝曳(引)娑嚩(二合引)賀(引)」

毘沙門天王說此阿吒曩胝經已，禮世尊足，却住一面。

爾時釋迦牟尼佛於夜分中告苾芻眾言：「如是。此經有大威力，能為明護。彼毘沙門天王與無數百千藥叉眷屬，放大光明照祇陀園一切境界，說伽他曰：

「『歸命大無畏， 正覺二足尊！
諸天以天眼， 觀我無所見。』

過去未來佛， 三世慈悲主，
一一正遍知， 我今歸命禮。』

「說此偈已而白佛言：『有諸聲聞苾芻、苾芻尼、優婆塞、優婆夷，於曠野林間樹下經行坐臥，有諸藥叉非人之類，有信佛言者、有少信者，有極惡不信者，惱亂有情令不安隱。說此經典利樂眾生。汝諸苾芻諦聽諦聽。此經真實有大威力，能為救護，乃至天人常得密護。汝當受持，廣宣流布。』」說是語已，天、龍、藥叉、人非人等皆大歡喜，信受奉行。

佛說毘沙門天王經

[CBETA 贊助資訊](https://www.cbeta.org/donation/index.php)

[. \(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
